

書名 杜氏通典二百卷
嘉靖十八年西樵方獻夫刊本

撰者 唐 杜佑 撰，
明 王德益、
吳鵬 同校

卷 卷七十九

內容分類 史·政書·歷代通制

索書號 貴重-17

編號 B3510400

卷七十九



[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本全文影像資料庫 索書號: 貴重-17](#)

[漢籍善本全文影像資料庫文本 杜氏通典二百卷 嘉靖十八年西樵方獻夫刊本](#)

[版權所有: 東京大學 東洋文化研究所](#)

[使用上的注意事項](#)

杜氏通典卷第二十五

職官七

諸卿上 總論諸卿

太常卿 丞奉禮郎主簿 博士 太祝 兩京郊社署

太樂署 鼓吹署 太醫署 太卜 廩犧 汾祠 太公廟等署

光祿卿 丞良醞署主簿 掌醢署 太官署 珍羞署

衛尉卿 丞守宮署主簿 武庫署 武器署 左右都候

宗正卿 丞諸陵署主簿 太廟署 崇玄署

太僕卿 丞典牧署主簿 車府署 乘黃署 諸牧監 典廄署

大理卿 正司直丞評事監 獄丞

諸卿附 少卿

四門以攘陰氣秋分前一日攘陽氣季冬旁磔大儼亦如之其牲每門各用羝羊及雄雞一選俵子如北齊法冬八隊二時則四隊問事十二人赤幘禱衣執皮鞭工人二十人其一人方相氏如周禮一人為唱師着皮衣執捧鼓角各十人有司素備雄雞羝羊及酒於宮門為坎未明呼鼓譟以入方相氏執戈揚楯周呼鼓譟而出合趣明陽門分詣諸城門將出諸師執事與鬻牲胷磔之鬻普於門酌酒禳祝舉牲并酒埋之○大唐制季冬大儼及州縣儼禮並如開元禮

社氏通典卷第七十八終

杜氏通典卷第七十九

禮三十九凶一 沿華三十九

大喪初崩及山陵制并為周以下親哭及不視事附

周漢後漢魏晉東晉宋陳大唐

周代尚書金縢云武王既克商二年王有疾弗豫二

公曰我其為王穆卜顧命云惟四月哉生魄王不懌

成王也有疾禮僕人扶右射人扶左僕人射人皆平故不悅懌

者始崩太僕戒鼓傳達于四方內宗掌叙哭者外內

宗及命婦哭位外宗叙外內朝暮哭者叙內外宗婦世婦掌比

外內命婦之朝暮哭不敬者而呵罰之呵譴也小宗伯

懸纓冠之式于路門之外太僕掌懸喪首服之法于

宮門首服之法謂免髮笄總廣狹長短之數懸其書於宮門示四方三日祝先服祝

先病五日官長服官長大夫士七日國中男女服人庶三月

天下服諸侯之大夫也孔穎達曰服服杖也祝佐舍

杖也五日官長服者大夫士也七日國中男女服者謂畿內民及庶人在官者三月天下服者謂諸侯之

大夫也近者亦不待三月今據遠者為言耳宮正掌授廬舍辨其親疏貴

賤之居廬倚廬也舍聖室也親者貴者居倚廬疏者賤者居聖室○漢舊儀曰高

帝崩三日小斂室中牖下作栗木主長八寸前方後

圓圍一尺置牖中望外內張綿絮以障外以皓木大

如指長三尺四枚纏以皓皮四方置牖中主居其中

央七日大斂棺以黍飯羊舌祭之牖中已葬收主為

水函藏廟太室中西墻壁堦中帝初登遐朝臣稱曰

大行皇帝風俗通云俗說易稱四海為家雖都三京

巡有方嶽文曰行在所由以行為辭天命有終往而

不返故曰大行天子新崩梓宮在殯太子已即位存

亡有別不可但稱皇帝未及定諡故曰大行皇帝宮

車晏駕周康王一朝晏起詩人深刺如今崩殯則為

晏駕其喪葬儀無聞魏孫毓曰禮記告喪曰登遐告

漢氏漢書曰大行在前殿又曰大行無遺詔此即非

告訃之辭諡法者大行受大名小行受小名初崩未

諡而嗣帝已立臣下所稱辭宜有異故謂之文帝遺

詔其令天下吏民令到出臨三日皆釋除具喪期篇無禁

娶婦嫁女祠祀飲酒食肉自當給喪事服臨者皆無跣經帶

無過三寸無布車及兵器應劭曰無以布衣車及兵器無發

民哭臨宮殿中霸陵山川因其故無有所改應劭曰

藏不復起墳山下川流不竭歸夫人以下至少使應

絕就其水名以為陵號也日夫人以下有美人良人八子七

子長使少使皆遣歸家重絕人類令中尉亞夫為車

騎將軍屬國悍為將屯將軍師古曰典屯郎中令張

武為復土將軍如淳曰主穿墳竇庶事也師古曰穿

墳故云復土發近縣卒萬六千人發內史卒萬五千

復反還也人藏郭穿復土屬將軍武師古曰即賜諸侯王以下

至孝悌力田金錢帛各有數每天子即位明年將作大

匠營陵地用地七頃方中用地一頃深十二丈堂壇

高三丈墳高十二丈武帝墳高二十丈明中高一丈

七尺四周二丈內梓棺柏黃腸題湊便房以次官藏畢

其設四通羨門容大車六馬皆藏之內方外陟車石

外方立先閉劍戶戶設夜龍莫耶劍伏弩設伏火以

營陵餘地為西園后陵餘地為婕妤以下次賜親屬

功臣題頭也湊以頭向內所以後漢制皇帝不豫太

鑿令承將鑿入就進所宜藥嘗藥監近臣中常侍小

黃門皆先嘗藥適量十二公卿朝臣問起居無間太

尉告請南郊司徒司空告請宗廟五嶽四瀆群祀并

禱求福登遐皇后詔三公典喪事百官皆衣白單衣
白幘不冠閉城門宮門近臣中黃門持兵虎賁羽林
郎中署皆嚴宿衛官府各警北軍五校繞宮屯兵黃
門令尚書御史謁者晝夜行陳三公啓手足色膚如

禮皇后皇太子皇子哭踊如禮沐浴如禮守宮令燕

東園匠將女執事黃綿緹繒金縷玉柙如故事漢舊儀曰

帝崩含以珠纏以緹繒十二重以玉為襦如鎧狀連

縫之以黃金為縷腰以下以玉為札長一尺二寸半

為柙下至足亦縫以黃金縷縫諸衣袷歛飯含珠玉

之凡乘輿衣服已御輒藏之崩皆以歛飯含珠玉

如禮飯以珠含以玉天子槃水女禮大槃廣八尺長一

赤百官哭臨殿下是日夜下竹使符告郡國二千石

諸侯王應劭曰凡與郡國守相竹使符皆以竹符五

璋以代古之珪璋從簡易也竹使符到皆伏哭盡哀漢舊制發兵以

調竹使而已符小歛如禮東園匠考工令奏東園秘

器表裏洞赤籙文畫日月烏龜龍虎連璧偃月牙檜

梓宮如故事大歛于兩楹之間五官左右虎賁羽林

五將各將所部執虎賁戟屯殿端門陞左右廂中黃

門持兵陞殿上夜漏群臣入晝漏上水大鴻臚設九

賓隨立殿下謁者引諸侯王立殿下西面北上宗室

諸侯四姓小侯外戚樊氏郭氏陰氏馬氏在後西面

北上治禮引三公就位殿下北面特進次中二千石

列侯次二千石六百石博士在後群臣陪位者皆重

行西上位定大鴻臚言具謁者以聞皇后東向貴人

公主宗室婦人以次立後皇太子皇子在東西向皇子

少退在南北面皆伏哭大鴻臚傳哭群臣皆哭三公

升自阼階安梓宮內珪璋諸物近臣佐如故事嗣子

哭踊如禮周禮駟珪璋璧琮琥璜之渠眉疏璧琮以

鄭衆云駟外有捷盧也疏讀為沙謂

珪璋璧琮琥璜皆為開渠為眉東園匠武士下釘衽

琢沙除以斂尸令汁得流去也截去牙喪大記曰君蓋用漆三衽太常上太牢奠太

官食監中黃門尚食次奠執事者如禮太常大鴻臚

傳哭如儀三公奏尚書顧命太子即日即天子位于

柩前請太子即皇帝位皇后為皇太后奏可群臣皆

出吉服入會如儀太尉升自阼階當柩御座北面稽

首讀策畢以傳國王璽綬東面跪授皇太子即皇帝

位中黃門掌兵以玉貝隋侯珠斬蛇寶劍授太尉告

令群臣群臣皆伏稱萬歲或大赦天下遣使者詔開

城門宮門罷屯衛兵群臣百官罷入成喪服如禮三公

太常如禮故事百官五日一會臨故吏二千石刺史

在京都郡國上計掾史皆五日一會天下吏民發喪

臨三日先葬二日皆旦晡臨既葬釋以無禁嫁娶祠

祀佐史以下布衣冠幘經帶無過三寸臨庭中武吏

布幘大冠大司農出見錢穀給六丈布直以葬喪期

依前漢制刺史二千石列侯在國者及關內侯宗室長

吏及因郵奉奏諸侯王遣大夫一人奉奏吊臣請驛

馬露布奏可奠儀采為重高九尺廣容八尺裏以蓆席

巾門喪帳皆以篋車皆去輔輻疏布惡輪走卒皆布

禭幘太僕四輔輅為賓車大練為屋幘中黃門虎賁

各二十人執紼司空擇土造穿太史卜日謁者二人

中謁者僕射中謁者副將作油緹帳以覆坑方石治

黃腸題湊便房如禮大駕太僕御方相氏黃金四目
蒙熊皮玄衣朱裳執戈揚楯立乘四馬先驅旂之制
長三刃十有二旂曳地晝日月升龍書旒曰天子之
柩謁者二人立乘六馬爲次大駕甘泉鹵簿金根容
車蘭臺法駕夜服大行載飾如金根車皇帝從送如禮
太常上禮啓奠夜漏二十刻太尉冠長冠衣齊衣乘
高車詣殿止車門外使者到南向立太尉進伏拜受
詔太尉詣南郊未盡九刻大鴻臚設九賓隨立群臣
入位太尉行禮執事皆冠長冠衣齊衣太祝令跪讀
謚策太尉再拜稽首治禮告事畢太尉奉謚策還詣
殿端門太常上禮奠中黃門尚衣奉衣登容根車東

園武士載大行司徒卻行道立車前治禮引太尉入
就位大行車西少南東面奉策太史令奉哀策立後
太常跪曰進皇帝進太尉讀謚策藏金匱中皇帝次
科藏于廟太史奉哀策蕭篋詣陵太尉旋復公位再
拜立哭太常跪曰哭大鴻臚傳哭十五舉音止哭太
常行遣奠皆如禮請哭止哭如儀晝漏上水請發司
徒河南尹先引車轉太常跪曰請拜送載車著白絲
參繆音緝緋長三十丈大七寸爲輓六行行五十人公
卿以下子弟凡三百人皆素幘委貌冠衣素裳校尉
三人皆赤幘不冠絳紗單衣持幢幡候司馬丞爲行
首皆銜枚羽林孤兒巴渝權歌者六十人爲六列鐸

司馬八人執鐸先大鴻臚設九賓隨立陵南羨門道
東北面諸侯王公特進道西北面東上中二千石二
千石列侯直九賓東北面西上皇帝白布幕素裏夾
羨道東西向如禮容車幄坐羨道西南向車當坐南
向中黃門尚衣奉衣就幄坐車少前太祝進醴獻如
禮司徒跪曰大駕請舍太史令自車南北面讀哀策
掌故在後已哀哭太常跪曰哭大鴻臚傳哭如儀司
徒跪曰請就下位東園武士奉下車司徒跪曰請就
下房都道東園武奉車入房司徒太史令奉謚哀策
東園武士執事下明器禮記曰明器神明之也孔子
謂為明器知喪道矣備物而
不可用也鄭玄註既夕曰陳
明器以兩行南端為上也笏八盛容三升鄭玄註
既夕曰

類也 黍一稷一麥一梁一稻一麻一菽一小豆一蕡

三容三升醢一醢一脔一脔鄭玄註既夕曰
脔薑桂之脔黍飴載以

木桁桁所以度色
皆甕瓶也覆以䟽布鯀二容三升醴一酒一

載以木桁覆以功布瓦鐙一彤矢四軒輶中亦短衛

輶天四貫短衛既夕曰猴矢一乘骨鏃短衛鄭玄云
猴借候也候物而射之矢也四矢曰

乘骨鏃短衛亦示不用也生時鏃矢金彤弓一庀八

牢八豆八邊八形方酒壺八盤匱一具鄭玄注既夕
曰盤匱盥器

也杖几各一蓋一鍾十六無箴罇四無箴兩雅曰大
鍾謂之罇

郭璞注曰書曰笙整十六無箴禮記曰有鍾整而無箴
鏞以間亦名鏞整十六無箴鄭玄曰不懸之也

塤一簫四笙一篪一柷一敔一瑟六琴一竽一筑一

坎侯一禮記琴瑟張而不和
平等笙備而不和干戈各一竿一甲一冑一

既夕謂之役器鄭車九乘，魯靈三十六匹。鄭玄註

玄註曰：卒矢服，謂之魯靈神之類。瓦甗二瓦釜二瓦甑一瓦鼎三容

五升，匏勺一容，一升瓦案九瓦大杯十六容，三升瓦

小杯二十容，二升瓦飯盤十瓦酒罇二容，五升匏勺

二容，一升祭服衣送皆畢。東園匠曰：可哭在房中者

皆哭。太常大鴻臚請哭止。如儀。司徒曰：百官事畢，臣

請罷。從入房者皆再拜出。就位。太常導皇帝就贈位。

司徒跪曰：請進贈侍中奉持鴻洞。贈玉珪長尺四寸

薦以紮巾廣袤各二寸，緹裏赤纁周緣。贈幣玄三纁

二各長尺二寸，廣克幅。皇帝進跪。臨羨道房戶西向

手下，贈投鴻洞中。二東園匠封奉入藏房中。太常跪

曰：皇帝敬再拜，請哭。大鴻臚傳哭如儀。太常跪曰：贈

事畢。皇帝促就位。續漢書曰：明帝崩，司徒鮑昱典喪

半逢上欲下，昱前叩頭言：禮天子鴻洞以贈，所以容

重郊廟也。陛下柩向冒危險，不以義割哀，上即還容

根車游載容衣。司徒至便殿，並聲苦耕切。騎皆從容車

玉帳下。司徒跪曰：請就幄。導登尚衣奉衣，以次奉器

衣物藏於便殿。太祝進醴，獻几。下用漏十刻。禮畢，司

空將校復土。皇帝皇后已下皆去麤衣服。服大紅，還

宮。返廬立主如禮。桑木主尺二寸，不書謚。虞禮畢，祔

於廟。如禮先大駕日游冠衣于諸宮。諸殿群臣皆吉

服。從會如儀。皇帝近臣喪服如禮。釋大紅服，小紅十

臣及二千石以下皆服留黃冠百官衣皂每變服從哭詣陵會如儀祭以特牲不進毛血有司從光祿勳備三爵如禮及太皇太后崩司空以特牲告謚于祖廟如儀長樂太僕少府大長秋長樂宮太后所居在西京後漢都洛陽無長樂宮或是當時便循舊名爲太后耳典喪事三公奏制度他皆如禮儀合葬羨道開通皇帝謁便房太常導至羨道去杖中常侍受至柩前謁伏哭止如儀辭太常出導中常侍受杖升車歸宮已下反虞如立主禮諸郊廟祭服皆下便房五時朝服各一襲在陵寢其餘及宴服皆封以篋笥藏宮殿後閣室永平七年陰太后崩晏駕詔曰柩將發於殿群臣百官陪位黃門鼓吹三通鳴

鍾鼓天子舉哀女侍史官三百人皆著素縗以白素引棺挽歌下殿就車黃門宦者引以出宮省太后魂車轡輅青羽蓋駟馬龍旂九旂前有方相鳳凰車大將軍妻參乘太僕妻御悉導公卿百官如天子郊鹵簿儀後和喜鄧后葬按以爲儀自此皆降損於前事也○魏武以禮送終之制襲稱之數繁而無益俗又過之先自制送終衣服四篋題識其上春秋冬夏曰有不諱隨時以斂金珥珠玉銅鐵之物一不得送黃初二年文帝又作終制曰禮國君即位爲禋存不忘亡也壽陵因山爲體無封樹無立寢殿無造園邑此詔藏之宗廟明帝時毛皇后崩未葬詔宜稱大行尚書孫

毓奏武宣皇后崩未葬時稱太后文德皇后崩侍中
蘇林議皇后皆有謚未葬宜稱大行臣以爲古禮無
稱大行之文按漢天子稱行在所言不常居崩曰大
行者不返之稱也未葬未有謚不言大行則嫌與嗣
天子同號至於后崩未葬禮未立后宜無所嫌故漢
氏諸后不稱大行謂未葬宜直稱皇后詔曰稱大行
者所以別存亡之號故事也然今當如林議稱大行
景初中明帝崩于建始殿殯于九龍殿尚書訪曰當
以明帝謚告四祖祝文於高皇稱玄孫之子云何王
肅曰禮稱曾孫某謂國家也荀爽鄭立說皆云天子
諸侯事曾祖以上皆稱曾孫又訪按漢既葬容衣還

儒者以爲宜如文皇帝故事以存時所服王肅曰禮雖
無容衣之制今湏容衣還而後虞祭宜衣尸服卒者
上服之制生時褻服可隨所存至於制度則不如禮
孔子曰祭之以禮亦謂此也諸侯之上服則今服也
天子不爲命服然亦所以命服之上也按漢氏西京
故事月游衣冠則容衣也言冠以正服不以褻服也
尚書又訪容衣還群臣故當在帳中常填衛見王肅
曰禮不墓祭而漢氏正月上陵神座在西序東向百
辟計吏前告郡之穀價人之疾苦欲先帝魂靈聞之
時祭豈以爲禮有煩而不可去事亡如存況今無填
衛之禁而合於如事存之意可見於門內拜訖入帳

臨乃除服。晉尚書問今大行崩含章殿安梓宮宜在何殿博士卞推揚雍議曰臣子尊其君父必居之以正所以盡孝敬之心今太極殿古之路寢梓宮宜在太極殿依周人殯于西階又問既殯之後別殿下室之饌朝夕轉易諸色應設祭朔望牲用宜所施行按禮具答推雍議按禮天子日食少牢月朔太牢喪禮下室之饌如他日宜隨御膳朝夕常用也朔望則真用太牢俸物又問按景帝故事施倚廬於九龍殿上東廂今御倚廬爲當在太極殿下諸王廬復應何所權琳議按尚書顧命成王崩康王居於翼室先儒云翼室於路寢今宜於太極殿上諸王宜各於其所

居爲廬朝夕則就位哭臨按禮天子七月葬新議曰禮無吉駕象生之飾四海遐密八音豈有釋其縷經以服玄黃黼黻哉雖於神明哀素之心已不稱矣輒除鼓吹吉駕鹵簿孫毓駁尚書顧命成王新崩傳遺命文物權用吉禮又禮下家占宅朝服推此無不服吉也又巾車飾遣車及葬執蓋從方相玄衣裳此鹵簿所從出也今之吉駕亦象生之義凶服可除鼓吹吉服可設而不作摯虞曰按漢魏故事將葬設吉凶鹵簿皆有鼓吹新禮無吉駕導從之文虞按禮葬有祥車曠左則今之容車也春秋鄭大夫公孫薑卒天子追賜大輅使以行禮又士喪禮有道車乘車以象

生存此兼有吉駕明文既有導從宜定新禮設吉凶
導從其凶服鼓吹宜除銘旌建太常畫日月星辰杜
云九仞旒委地杜元愷喪服要集云遣車易以輦牀舉奠祭之
具及器藏物皆覆以白練。東晉成帝咸康七年皇
后杜氏崩詔外官五日一入臨內官朝一入而已過
葬廬祭禮畢止有司奏大行皇后陵所作凶門栢曆
門號明端陽門詔曰門如所處凶門栢曆大爲繁費
停之按蔡謨說以二瓦器始葬之祭繫於木暴以絮
席置庭中近南名爲重今之凶門是其象也禮記虞
而作主今未葬未有主故以重當之禮稱爲主道此
其義也范堅又曰凶門非禮禮有懸重形似凶門後

人出門之外以表喪俗遂行之簿帳卽古吊幕之類
也是時又詔曰重壤之下豈宜崇飾陵中唯絮掃而
已有司又奏依舊選公卿已下六品子弟六十人爲
挽郎詔又停之。宋崔元愷喪儀云銘旌今之旒也
天子丈二尺皆施跗樹於壙中遣車九乘謂結草爲
馬以泥爲車踈布轄四面有障置壙四角以載遣奠
牢肉斬取骨脰車各載一枚。○陳末定二年七月武
帝崩尚書左丞庾特云晉宋已來皇帝大行儀注未
祖一日告南郊大廟奏策奉謚梓宮將登輶轎侍中
版奏已稱其謚皇帝遣奠出於階下方以此時乃讀
哀策而前代策文猶稱大行皇帝請明加詳正國子

博士知禮儀沈文珂等謂應劭風俗通前帝謚未定
臣子稱大行以別嗣主近檢梁儀自梓宮將登輜輶
版奏皆稱其謚皇帝登輜輶伏尋今祖祭已奉策謚
哀策旣在庭遣祭不應猶稱大行且哀策篆書藏於
玄宮請依梁儀以傳無窮詔可○大唐貞觀九年高
祖崩詔定山陵制度令依漢長陵故事務在崇厚時
限旣促功役勞弊秘書監虞世南上封事曰臣聞古
之聖帝明王所以薄葬者非不欲崇高光明珍寶異
物以厚其親然審而言之高墳厚壝珍物必備此適
所以爲親之累非曰孝也是以深思遠慮安於菲薄
以爲長久萬代之計割其常情以定之耳昔漢成帝

造延昌二陵制度甚厚功費甚多諫議大夫劉向上
書曰孝文居霸陵悽愴悲懷顧謂群臣曰嗟乎以北
山石爲椁用紵絲絮斲陳漆其間豈可動哉張釋之進
曰使其中有可欲雖錮南山猶有隙使其無可欲雖
無石棺又何戚焉夫死者無終極而國家有廢興釋
之所言爲無窮計也孝文寤焉遂以薄葬又漢氏之
法人君在位三分天下貢賦以一分入山陵武帝歷
年長久比葬陵中不復容物霍光暗於大體奢侈過
度其後至更始之敗赤眉入長安破茂陵取物猶不
能盡無故聚斂百姓爲盜之用甚無謂也魏文帝於
首陽東爲壽陵作終制其畧曰昔堯葬壽陵因山爲

體無封樹無立寢殿造園邑爲棺槨足以藏骨爲衣衾
足以朽肉而已吾營此丘墟不食之地欲使身代之後不
知其處無藏金玉銅鐵一以瓦器自古及今未有不
亡之國亦無不掘之墓喪亂以來漢氏諸陵無不發
掘至乃燒取玉柙金縷骸骨并盡是焚如之刑也豈
不重痛哉若違詔妄有改變吾爲戮屍於地下死而
重死不孝不忠使魂而有知將不福汝以爲求制藏
之宗廟魏文此制可謂達於事矣今爲丘壠如此其
內雖不藏珍寶亦無益也萬代之後人但見高墳大
冢豈謂無金玉也臣之愚計以爲漢文霸陵旣因山勢
雖不起墳自然高敞今之所卜地勢旣平不可不起

宜依白虎通所陳周制爲三仞之墳其方中制度事
事減少事竟之日刻石於陵側書今封大小高下之
式明器所須皆以瓦木合於禮文一不得用金銀銅
鐵使後代子孫並皆遵奉一通藏之宗廟豈不美乎
且臣下除服用三十六日已依霸陵今爲墳壠又以
長陵爲法非所依也伏願深覽古今爲長久之慮書
奏不報虞世南又上疏曰漢家卽位之初便營陵墓
近者十餘歲遠者十五年方始成就今以數日之間
而造數十年事其於人力亦已勞矣漢家大郡五十
萬戶卽日人衆未及往時而工役與之一等此臣所
致疑也又公卿上奏請遵遺詔務從節儉太宗乃令

中書侍郎岑文本謂曰朕欲一如遺詔朕臣子之心
不忍頓爲儉素如欲稱朕崇厚之志復恐百代之後
不免有廢毀之憂朕爲此不能自決任卿等平章必
令得所勿置朕於不孝之地因出虞世南封事付所
司詳議以聞司空房玄齡等議曰謹按高祖長陵高
九丈光武陵高六丈漢文魏文並不封不樹因山爲
陵竊以長陵制度過爲宏侈二文立規又傷矯俗光
武中興明主多依典故遵爲成式實爲攸宜伏願仰
遵顧命俯順禮經詔曰朕旣爲子卿等爲臣敬愛罔
極義猶一體無容固陳節儉陷朕於不義也今便敬
依來議於是山陵制度頗有減省